

## *Juanito Arrieta*

*Elgoibar,  
Gipuzkoa  
(1905-2000)*

Aurkibidea

**Biografia**



Kaletarra. Umetan meza-mutil ibili zen mojekin eta Maalako kapilauarekin. Maristetan ibili zen eskolan. 18 urterekin gidatzeko baimena atera zuen eta gerra garaian komitekoen eta hainbat sozialista ezagunen txofer lanetan ibili zen. Gerora Altzolako bainuetxean administrari lanetan aritu zen, eta bertan ezagutu zuen bere emazte izango zena. Elgoibarko euskara aztertzeke egin zitzaion elkarrizketan bere emazte Agapita Soraiz (1914-2000) ere azaltzen da.

# Zintak

## EGB-030

- **Proiektua:** Elgoibarko euskara
- **Elkarrizketatzailea(k):** Lodoso, Ainhoa
- **Data:** 1999-04-26
- **Iraupena:** 100 min
- **Euskarria:** Mini Disc
- **Kodifikatzailea:** Agirrebeña, Aintzane

## Pasarteak

### 1. Moja frantsesekin eta Maalako kapellauarekin monagilo

- **Erref:** EGB-030/001
- **Iraupena:** 0:04:05. **Hasi:** 00:00:00. **Bukatu:** 00:04:05
- **Multimedia:** audioa online entzungai

#### Gaia(k):

- Ohiturak eta bizimodua » Erljioa » Elizarekin lotutako pertsonak
- Ohiturak eta bizimodua » Erljioa » Elizkizunak eta otoitzak

#### Laburpena:

Moja frantsesak egon ziren Elgoibarren. Etxezuri etxekoek, Lizundiatarrek, "karreterixia" zuten, hau da, Azkoitira garraioak egiten zituzten. Bertako semea, Bizente, monagilo egoten zen mojekin. Harek utzi zuenean, berari eman zioten monagilo lanetarako enkargua. Mezak laguntzen zituen. Apaiza ere frantsesa omen zen. Gero Maalako kapellauaren monagilo izan zen. Mezak goizean goiz hasten ziren.

### 2. Domu Santu Egunean gaztaina erreak

- **Erref:** EGB-030/002
- **Iraupena:** 0:01:09. **Hasi:** 00:04:05. **Bukatu:** 00:05:14
- **Multimedia:** audioa online entzungai

#### Gaia(k):

- Ohiturak eta bizimodua » Elikadura » Jatekoa eta edatekoa
- Familia eta harremanak » Lagunartea eta familia » Etxeko giroa

#### Laburpena:

<p>Domu Santu Egunean aitak gaztainak erretzen zituen. Hura izaten zen gaztainak erretzeko lehenengo eguna. Nola erretzen ziren gaztainak.</p>

### 3. San Antonio egunean tren berezia Urkiolara joateko

- **Erref:** EGB-030/003
- **Iraupena:** 0:02:50. **Hasi:** 00:05:14. **Bukatu:** 00:08:04
- **Multimedia:** audioa online entzungai

#### Gaia(k):

- Herria, azpiegitura » Garraioak » Trenak
- Aisia » Jai-giroa » Herriko ospakizunak
- Aisia » Taberna giroa » Tabernak eta jatetxeak

**Laburpena:**

San Antonio egunean Urkiolara joateko tren berezia egoten zen eta inguruetakoa baserritar guztiak etortzen ziren. Geltoki inguruan zegoen Butroiko taberna gau osoan irekita egoten zen. Jendea oinez ere asko joaten zen, "kamiñua betian", kotxerik ez zegoen eta.

**4. Umetako jolasak: pilota eta "Tres navíos en el mar"**

- **Erref:** EGB-030/004
- **Iraupena:** 0:01:10. **Hasi:** 00:08:04. **Bukatu:** 00:09:14
- **Multimedia:** audioa online entzungai

**Gaia(k):**

- Familia eta harremanak » Lagunartea eta familia » Jolasak

**Laburpena:**

Umetako jolasak. "Tres navíos en el mar" jolasaren inguruko azalpenak. Pilotan edozein txokotan jolasten zuten, batez ere elizako fatxadan. Orduan kotxerik ez zegoen eta lasai ibiltzen ziren kalean.

**5. Eibarrera enkargura joan eta zinta-karreran jolasean**

- **Erref:** EGB-030/005
- **Iraupena:** 0:02:22. **Hasi:** 00:09:14. **Bukatu:** 00:11:36
- **Multimedia:** audioa online entzungai

**Gaia(k):**

- Herria, azpiegitura » Herri-antolaketa » Merkataritza, dendak (kokapena)
- Politika » Jarrera politikoak » Alderdien egoitzak
- Familia eta harremanak » Lagunartea eta familia » Jolasak

**Laburpena:**

<p>Aitak tailerra zeukan eta Eibarrera bidaltzen zuen Unzetako ferreteriara piezen bila. Unzetaneko ferreteria garrantzitsua zen orduan. Eibarrera joaten zenean hango "Casa del Pueblo"-ko "zinta-karreran" (ginkana) parte hartzen zuen. Bizikleta gainean eserita, makila batekin, lazo batzuk harrapatzera jolasten zuten.</p>

**Transkripzioa**

- Gure aittak, zera, taillartxua edo zaukan ta hamen ez zauan, bueno, bazauan ferreterixia baiña Eibarko Unzetanekua ere bazan, oin oindiokan zerian dao, San Antoliñen. Ba haura ferreterixia inportantia zan. Honek ingo, bera Pedro Unzeta, ferreterixia sortu zaban gizona, hantxe dendan eoten zan beste bere seme bi eta beste dependienteren bat ere bai ta hara bialtzen zian aittak taillarrerako edo, zeozer piezaren bat edo, hola. Eta maietza ointxe dator, maietza lehenengua, gogoratzen naiz ba, esan zian eze "Eibarrera jua bihar dok, Unzetanera" ta "bien". Ba muestria edo zeoze emango zian pieziana ta hauraxe ekartzeko. Eta nik zenbat urte eukiko nittuan ba?

- (andria) Zazpi urte edo?

- E?

- (andria) Zazpi bat urte edo.

- Gehittuago igual eukiko naban zeatik eze Eibarren, beti izan zan Eibar socialista ta republikano ta hamenguen aldian oso abantzauak eta han

"Casa del Pueblua" ere bazauan eta han jaixa edo zan, jaixa zan Eibarren. Hamen ez zan artietan holakorikan eta zintta jokua. Horrek bizikleta gaiñian jarri, eta zinttak ez dakit iñoiz ikusi dozun? Ez e? Holakotxe lazo ederrak izeten zian, luziak, metro terdikuak edo metro bat ingurukuak, karrete batzuetan batu, ta anilla bat han barrenian ta paluekin bizikleta gaiñetikan sartu in bihar zan, han zerian.

## 6. Eibarrera enkargura joan eta zinta-karreran jolasean

- **Erref:** EGB-030/006
- **Iraupena:** 0:01:44. **Hasi:** 00:11:36. **Bukatu:** 00:13:20
- **Multimedia:** audioa online entzungai

### Gaia(k):

- Familia eta harremanak » Lagunartea eta familia » Umetako kontuak
- Aisia » Jai-giroa » Herriko ospakizunak

### Laburpena:

Jaietan, zinta-karrera (ginkana) egiten zen Eibarren. Neskek uztaidun lazoak jartzen zituzten eta mutilek bizikleta gainetik, makila batekin, haiek harrapatu behar izaten zituzten. Gero asko hedatu zen arren, orduan leku gutxitan egiten zen zinta-karrera. Aitak Unzeta burdindegira bidali zuen pieza baten bila, eta bera zinta-karreran parte hartzera joan zen. Berandutu egin zitzaion, eta aitaren errieta entzun behar izan zuen.

## 7. Bizikletan kanaberarekin gertatutako anekdota

- **Erref:** EGB-030/007
- **Iraupena:** 0:02:30. **Hasi:** 00:13:20. **Bukatu:** 00:15:50
- **Multimedia:** audioa online entzungai

### Gaia(k):

- Aisia » Mendia eta hondartza » Errekako arrantza eta ehiza
- Ohiturak eta bizimodua » Kontakizunak eta sinesmenak » Anekdotak, kontakizunak

### Laburpena:

Behin arrantzara joan zen kanabera bizikletan hartuta. Luzetara beharrean, zabaletara zerman kanabera bizikletari lotuta eta bide osoa hartzen zuen. Bide ertzean zihoan emakume bat kanabera ertzarekin ukitu eta bizikletatik jausi zen.

## 8. 1914ko gerra garaiko eskolako bizipenak

- **Erref:** EGB-030/008
- **Iraupena:** 0:03:05. **Hasi:** 00:15:50. **Bukatu:** 00:18:55
- **Multimedia:** audioa online entzungai

### Gaia(k):

- Ohiturak eta bizimodua » Hezkuntza » Fraideak
- Politika » Gerra aurrea » 1914-1923: Monarkia

### Laburpena:

1914ko gerra-garaiko bizipenak. Maristetan ibili zen eskolan. Eskolan

kategoriak izaten zituzten: "primera", "segunda"... "Segunda"-n zebilela bere ikaskidea Urbano Arriaga izan zen. Binaka egoten ziren eserita. Gerraren berri zerbait jakin zuten eta berehala irakasleek ihes egin zuten eta eskola itxi egin zen. 9 urte zituen berak orduan.

## 9. Maristen eraikinean gerora aurrezki kutxa

- **Erref:** EGB-030/009
- **Iraupena:** 0:01:29. **Hasi:** 00:18:55. **Bukatu:** 00:20:24
- **Multimedia:** audioa online entzungai

### Gaia(k):

- Politika » Gerra aurrea » 1914-1923: Monarkia
- Ohiturak eta bizimodua » Hezkuntza » Eskola
- Herria, azpiegitura » Herri-antolaketa » Eraikuntzak eta azpiegiturak

### Laburpena:

Ikastetxea itxi egin zen gerra garaian. Eraikina eta ingurua nolakoa zen. Gerora mikeleteek zuzendutako Aurrezki kutxa egon zen bertan. Julio Mugerza alkate izan zena orduan ezagutu zuen, "Caja de Ahorros Provincial"ean lan egiten zuen eta.

## 10. 1914ko gerrako oroitzapenak

- **Erref:** EGB-030/010
- **Iraupena:** 0:01:30. **Hasi:** 00:20:24. **Bukatu:** 00:21:54
- **Multimedia:** audioa online entzungai

### Gaia(k):

- Politika » Gerra aurrea » 1914-1923: Monarkia

### Laburpena:

1914ko gerrako kontuak Gerra zibilekoak baino hobeto gogoratzen dituela dio. Ze kontu entzuten zituzten.

## 11. Gerra zibilean, txofer lanetan komitekoekin

- **Erref:** EGB-030/011
- **Iraupena:** 0:04:19. **Hasi:** 00:21:54. **Bukatu:** 00:26:13
- **Multimedia:** audioa online entzungai

### Gaia(k):

- Politika » Gerra zibila (1936-1939)
- Lanbideak » Batetik bestera zebiltzanak

### Laburpena:

Gerra zibileko bizipenak: errekiak, ihesa... Zaurituak tren berezietan ekartzen zituzten Altzolako bainuetxera. Fronte Popularra. Udalean zeuden karguak kendu eta 5-6 partidotako jendea jarri zen agintean: nazionalistak, komunistak, CNT-koak, UGT-koak, ideologia guztietakoak. Bozgorailu bat jarri zuten plazan eta txofer bat behar zutela esan zuten. Berak ordurako bazuen gidatzeko baimena eta joan egin zen. Ze bidaia egin zituen. Abantzea aurrera zetorren eta komitekoekin Markinara alde egin zuen.

## 12. Azkoiti aldetik etorri ziren erreketekak

- **Erref:** EGB-030/012
- **Iraupena:** 0:00:32. **Hasi:** 00:26:13. **Bukatu:** 00:26:45
- **Multimedia:** audioa online entzungai

### Gaia(k):

- Politika » Gerra zibila (1936-1939) » Borroka

### Laburpena:

Markinara bidean, Azkoiti aldetik erreketekak nola zetozen ikusi zuten. Beste aldeko mendian, euren ezagunak zeuden defentsarako.

## 13. Erreketeei oztopoak jartzeko, trintxera egitera Azkaratera

- **Erref:** EGB-030/014
- **Iraupena:** 0:03:12. **Hasi:** 00:27:18. **Bukatu:** 00:30:30
- **Multimedia:** audioa online entzungai

### Gaia(k):

- Politika » Gerra zibila (1936-1939) » Borroka

### Laburpena:

Erreketekak sartu aurreko egunean, bidaia bat egin zuen Azkoitira. Azkarate gainera egin zuen bidaia Ramon Uncilla UGTkoarekin, txofer moduan. Bide ertzean trintxera bat egin zuten Azkoitia aldetik zetozen erreketeei kontra egiteko. Azkaratera heltzeaz bat, kotxea Elgoibar aldera begira jarri zuen, badaezpada, prest izateko. Aldazabal baserriaren inguruan, lehergailuak jarri zituzten erreketekak geldiarazteko.

## 14. Erreketekak sartu aurreko uneen tentsioa

- **Erref:** EGB-030/016
- **Iraupena:** 0:04:14. **Hasi:** 00:31:00. **Bukatu:** 00:35:14
- **Multimedia:** audioa online entzungai

### Gaia(k):

- Politika » Gerra zibila (1936-1939) » Ihes egin beharra
- Politika » Gerra zibila (1936-1939) » Borroka

### Laburpena:

Erreketekak sartu aurreko gauean, kotxea prest utzi zuen plazan eta ez zen oheratu. Denak alerta zeuden, badaezpada. Ordena publikokoak balira bezala, "Upei" eta Gastesi ibili ziren gauean kalean fusilarekin, zaintzan. Biharamunean, erreketekak bazetozela-eta, 2-3 kotxetan, komitekoak Markinara eraman zituzten. Bidean geratu eta beste aldeko mendira begira geratu ziren. Tiroak entzuten ziren ordurako. Markinan gau hartan alarma faltsu bat izan zuten eta jendeak beldurtuta Lekeitio aldera ihes egin zuen.

## 15. Markinatik Lekeitiora ihesi

- **Erref:** EGB-030/017
- **Iraupena:** 0:03:05. **Hasi:** 00:35:14. **Bukatu:** 00:38:19
- **Multimedia:** audioa online entzungai

**Gaia(k):**

- Politika » Gerra zibila (1936-1939) » Ihes egin beharra
- Politika » Gerra zibila (1936-1939) » Borroka

**Laburpena:**

"Ondarru" txoferra San Migeletik zehar Garate baserrira joan zen eta han erreketek batekin tiroketa izan omen zuen. Markinan gauean alarma sortu zenean, eurak ere Lekeitiora joan ziren. Urbieta anarkista eta Mariano sozialista eraman zituen berarekin eta Lekeition ostatu bila ibili ziren.

**16. Mariano sozialista**

- **Erref:** EGB-030/019
- **Iraupena:** 0:00:35. **Hasi:** 00:39:09. **Bukatu:** 00:39:44
- **Multimedia:** audioa online entzungai

**Gaia(k):**

- Familia eta harremanak » Herriko giroa » Pertsonaia ezagunak
- Politika » Jarrera politikoak » Sozialistak

**Laburpena:**

<p>Mariano sozialista <em>El Liberal</em> egunkariko korrespontsala zen eta Estartan lan egiten zuen.</p>

**17. Gerra denborako bizipenak; denbora luzez Markinan**

- **Erref:** EGB-030/020
- **Iraupena:** 0:01:15. **Hasi:** 00:39:44. **Bukatu:** 00:40:59
- **Multimedia:** audioa online entzungai

**Gaia(k):**

- Politika » Gerra zibila (1936-1939) » Gerraren eragina

**Laburpena:**

Lekeitiotik berriz Markinara itzuli zen kotxearekin, eta 7-9 hilabete egin zituzten bertan. Kalamuako frontea. Soldaduek esaten omen zuten euskaldunak arrosarioa erreztatzen egoten zirela beti.

**18. Frontea Kalamuan**

- **Erref:** EGB-030/021
- **Iraupena:** 0:01:25. **Hasi:** 00:40:59. **Bukatu:** 00:42:24
- **Multimedia:** audioa online entzungai

**Gaia(k):**

- Politika » Gerra zibila (1936-1939) » Ihes egin beharra
- Politika » Gerra zibila (1936-1939) » Gerraren eragina

**Laburpena:**

<p>Frontea gelditu egin zen Kalamuan eta erreketek zeuden bertan. Baserri inguruan, kotxe blindatu bat zegoen errepidea zaintzen "txapelgorriak" pasa ez zitezen. Frontea Kalamuan zegoen bitartean, eurak Markinan egon ziren, 7-9 hilabetean.</p>

## 19. Herrian geratutako emakumeak bidali egiten zituzten

- **Erref:** EGB-030/022
- **Iraupena:** 0:00:40. **Hasi:** 00:42:24. **Bukatu:** 00:43:04
- **Multimedia:** audioa online entzungai

### Gaia(k):

- Politika » Gerra zibila (1936-1939) » Errepresioa

### Laburpena:

Herrian geratzen ziren emakumeak bidali egiten zituzten euren umeekin batera; izan ere, senarra non zegoen galdetu eta ezin zuten erantzun. Trenbidetik Maltzaga aldera joaten ziren.

## 20. Gerra garaiko bizipenak Markinan; kuartela, Ituarte taberna

- **Erref:** EGB-030/023
- **Iraupena:** 0:03:20. **Hasi:** 00:43:04. **Bukatu:** 00:46:24
- **Multimedia:** audioa online entzungai

### Gaia(k):

- Politika » Gerra zibila (1936-1939) » Gerraren eragina
- Politika » Gerra zibila (1936-1939) » Borroka

### Laburpena:

Markinatik Eibarrera edo Durangora mugitzen zen. Markinan zuten kuartel nagusia. Ituarteneko tabernan egoten ziren. Beraiek intendentzian sartzeko aukera izan zuten eta ez zuten arazorik izaten tabernarako jeneroa eramateko. Handik gertu, Urberuagan, "Rosa Luxenburgo" batailoi komunista zegoen. Komandantea ezagutu zuen, irundarra, kontrabandista ibilitakoa. Rosa Luxenburgo nor zen. Gernikako bonbardaketa izan zenean, Markinatik alde egin zuten Bilbo aldera.

## 21. Gerra garaiko bizipenak; jeneroa biltegian soldaduentzat

- **Erref:** EGB-030/024
- **Iraupena:** 0:01:50. **Hasi:** 00:46:24. **Bukatu:** 00:48:14
- **Multimedia:** audioa online entzungai

### Gaia(k):

- Politika » Jarrera politikoak » Sozialistak
- Politika » Gerra zibila (1936-1939) » Ekonomia gerra garaian
- Familia eta harremanak » Herriko giroa » Pertsonaia ezagunak

### Laburpena:

Facundo Benito "Juventudes socialistas"eko idazkari bilbotarrarekin jarri zuten, haren esanetara. Frontetik "asemillauak" etortzen zitzaizkien astoarekin Markinako almazenera, frontean zebiltzan soldaduentzat jenero bila.

## 22. Indalecio Prieto sozialista ezagunarentzat enkarguak egitera

- **Erref:** EGB-030/026

- **Iraupena:** 0:02:40. **Hasi:** 00:48:44. **Bukatu:** 00:51:24
- **Multimedia:** audioa online entzungai

**Gaia(k):**

- Familia eta harremanak » Herriko giroa » Pertsonaia ezagunak
- Politika » Jarrera politikoak » Sozialistak
- Politika » Gerra zibila (1936-1939) » Gerraren eragina

**Laburpena:**

Asturias aldera joan zen gero. Indalecio Prieto sozialista ezaguna zen; hitzaldiak ere ematen zituen. Hura Santanderren zegoen eta harentzako enkarguak ere eramaten zituen. Gero Gijon aldera joan zen; eta, Torrelavegatik pasa zenean, hiri erdia sutan ikusi zuen. Indalecio Prietoren semea, Luis, ondo zainduta zegoen, aita gizon inportantea zen eta.

**23. Gerra garaian, txofer lanetan; enkargua eramatera Santanderrera**

- **Erref:** EGB-030/028
- **Iraupena:** 0:04:18. **Hasi:** 00:51:59. **Bukatu:** 00:56:17
- **Multimedia:** audioa online entzungai

**Gaia(k):**

- Herria, azpiegitura » Garraioak » Autoak
- Politika » Gerra zibila (1936-1939) » Borroka

**Laburpena:**

Santander aldetik jendea ihesi zihoan Gijon aldera. Berak ere Santandertik pasa behar zuen, enkargu bat zuen emateko eta; kargu handiko militarrek ikusi zituen bertan. Hurrengo egunean sartu ziren erreketek Santanderren. Etxe batean pasa zuen gaua eta gasolindegia handik hurbil zegoen. Gasolindegiak abandonatuta zeuden eta norberak nahi beste gasolina hartzen zuen. Bere kotxea lapurtu nahi izan zuten, baina berak, nahita, pieza inportante bat kenduta zeukan kotxean, inork ez eramateko.

**24. Gernika bonbardatu zuten hegazkinei begira Aulestitik**

- **Erref:** EGB-030/031
- **Iraupena:** 0:02:00. **Hasi:** 00:58:42. **Bukatu:** 01:00:42
- **Multimedia:** audioa online entzungai

**Gaia(k):**

- Politika » Gerra zibila (1936-1939) » Borroka

**Laburpena:**

Gernikako bonbardaketa egunean, komandanteak Bilbora joan behar zutela esan zion. Iruzubieta aldetik ezin zela pasatu, eta Aulestira joan ziren. Dagoeneko arratsaldean hegazkinak zebiltzan Gernika bonbardatzen, eta komandanteari esan zion aurrerago ezingo zirela joan. Eliza ondoan eginda zegoen babesleku antzekoan gordeta egon ziren, eta hegazkinak ikusten zituzten joan-etorrian.

## 25. Aulestitik Bilbora bidaia; Gernikaren irudia bonbardaketa ostean

- **Erref:** EGB-030/032
- **Iraupena:** 0:05:05. **Hasi:** 01:00:42. **Bukatu:** 01:05:47
- **Multimedia:** audioa online entzungai

### Gaia(k):

- Politika » Gerra zibila (1936-1939) » Borroka

### Laburpena:

Komandanteak Bilbora joatea nahi zuen eta Aulestitik abiatu ziren Bilbora, Gernikatik pasatuz. Gernikaren irudia bonbardaketa ostean; dena erretzen ikusi zuten. Gerra-liburuetako irudia etorri zitzaion gogora. Jendea ebakutzen zebiltzan Gernikan, eta ezagun bat ere ikusi zuen zaurituta. Kotxe-pilaketa pasa eta lortu zuten Bilboraino joatea, Carlton hotelera. Komandanteak bere eginkizunak egin zituen eta berriz Aulestira itzuli ziren. Aulestiko plaza lehen Kalamuako trintxeretan egondako gudariz beteta zegoen. Ihesi zihoazen.

## 26. Markinara abiatu; eta, italiarrak bertan zeudela jakitean, buelta Aulestira

- **Erref:** EGB-030/034
- **Iraupena:** 0:03:29. **Hasi:** 01:06:07. **Bukatu:** 01:09:36
- **Multimedia:** audioa online entzungai

### Gaia(k):

- Politika » Gerra zibila (1936-1939) » Borroka
- Herria, azpiegitura » Garraioak » Autoak

### Laburpena:

Aulestitik Markinara joatea pentsatu zuen eta abiatu ere egin zen. Goitik behera zihoala, Patxi Zabaletarekin, "Patxi kaminerua"rekin, gurutzatu zen. Hark esan zion italiarren tankeak iritsita zeudela Markinaraino eta hara ez joateko. Kotxeari buelta emateko bidea estuegia zenez, atzeraka joan zen errepidea zabaltzen zen tokira arte. Bidean zihoala, kanoikada batek errepidea apurtu zuen beragandik oso hurbil. Ertz-ertzetik pasa eta kotxeari dena emanda joan zen Aulestira.

## 27. Gerra-osteko lanak; emaztea ere orduan ezagutu zuen

- **Erref:** EGB-030/036
- **Iraupena:** 0:02:20. **Hasi:** 01:09:56. **Bukatu:** 01:12:16
- **Multimedia:** audioa online entzungai

### Gaia(k):

- Lanbideak » Negozioak, dendak
- Politika » Politika eta Franco
- Familia eta harremanak » Bikote kontuak » Ligatzea

**Laburpena:**

Gerra-ostean ezagutu zuen Agapita emaztea. Lehendik ezagutzen zuten elkar; Agapita Altzolakoa eta bera elgoibartarra. Agapita bainuetxean zegoen neskame eta Juanitok ere han lan egiten zuen. Bainuetxean hasi aurretik txofer moduan lana eskaintzera etorri zitzaion Alfonso Freire, garai hartan inguruko fabrikak militarizatzen ibili zena.

**28. Alfonso Freireren txofer lanetan**

- **Erref:** EGB-030/038
- **Iraupena:** 0:04:00. **Hasi:** 01:13:02. **Bukatu:** 01:17:02
- **Multimedia:** audioa online entzungai

**Gaia(k):**

- Lanbideak » Negozioak, dendak
- Lantegiak » Ekonomia eta industria » Gipuzkoako lantegiak » Debabarreneko lantegiak
- Politika » Politika eta Franco

**Laburpena:**

Freire Vigokoa zen. Han astillero antzeko fabrika bat zuten eta militarizatu egin zuten gerrarako materiala egiteko. Hona etorri zen Alfonso Freire ingeniaria zen. Elgoibarrera etorri eta Barrutiarenean hartu zuen ostatu. Batera eta bestera joateko kotxea behar zuen. Kotxea eskuratu zuen, baina ez zekien gidatzen eta orduan berarengana joan ziren txofer lana eskaintzera. Freire inguruko fabriketara eramaten zuen eta honek fabrikak militarizatu egiten zituen. Txofer egin eta bide batez gidatzen erakutsi zion.

**29. Balnearioan administrari lanean zebilela ezagutu zuen emaztea**

- **Erref:** EGB-030/039
- **Iraupena:** 0:02:30. **Hasi:** 01:17:02. **Bukatu:** 01:19:32
- **Multimedia:** audioa online entzungai

**Gaia(k):**

- Lanbideak » Negozioak, dendak
- Aisia » Taberna giroa » Hotelak eta pentsioak
- Familia eta harremanak » Bikote kontuak » Ligatzea

**Laburpena:**

Freireren txofer lanetan zebilela, Altzolatik etorri zitzaizkion administrari lana eskainiz eta onartu egin zuen lana. Balnearioan lanean ezagutu zuen emaztea. Maitasunaren inguruko gaztelaniazko poesia bat errezitatzen du Juanitok. Berak ez zuen uste ezkonduko zenik, mutil zahartuta omen zegoelako ordurako, baina 38 urterekin ezkondu zen.

**30. Hotelean ezkutuka ibiltzen ziren, jendea nobioak zirela ez ohartzeko**

- **Erref:** EGB-030/041
- **Iraupena:** 0:01:42. **Hasi:** 01:20:07. **Bukatu:** 01:21:49
- **Multimedia:** audioa online entzungai

**Gaia(k):**

- Aisia » Taberna giroa » Hotelak eta pentsioak
- Familia eta harremanak » Bikote kontuak » Ligatzea

**Laburpena:**

Bi urtean ibili ziren elkarrekin, baina hotelean isilka ibiltzen ziren jendeak ez ikusteko. Gero Juanitok balnearioko lana utzi zuen Agapitarekin ezkontzeko. Altzolan bertan ezkondu ziren. 56 urte egingo dituztela ezkondata komentatzen dute.

**31. Aita garraiolari lanetan;1925 inguruko ibilgailuak**

- **Erref:** EGB-030/043
- **Iraupena:** 0:02:20. **Hasi:** 01:22:19. **Bukatu:** 01:24:39
- **Multimedia:** audioa online entzungai

**Gaia(k):**

- Lanbideak » Batetik bestera zebiltzanak
- Herria, azpiegitura » Garraioak » Autoak

**Laburpena:**

<p>Bere aitak bidaiarientzako furgoneta zahar bat ekarri zuen. Marka frantsesekoa zen. Orduko ibilgailuen inguruko azalpenak; katedunak izaten ziren. Aita hara eta hona ibiltzen zen autoarekin eta geltokira bultoak eramaten ere ibiltzen zen. Gidatzeko baimena ateratzeko Donostiara joan behar izaten zen.</p>

**32. Gidatzeko baimena 1923an nola atera zuen**

- **Erref:** EGB-030/044
- **Iraupena:** 0:05:00. **Hasi:** 01:24:39. **Bukatu:** 01:29:39
- **Multimedia:** audioa online entzungai

**Gaia(k):**

- Herria, azpiegitura » Garraioak » Autoak
- Ohiturak eta bizimodua » Kontakizunak eta sinesmenak » Anekdotak, kontakizunak

**Laburpena:**

Berak 18 urte zituenean, gidatzeko baimena ateratzea erabaki zuen. Garai hartan, Donostiara joan behar izaten zuen gidatzeko baimena lortzera, eta esandako egunean aurkeztu zen "Obras públicas"eko bulegoan aitaren autoarekin. Azterketaren nondik norakoak. Lafitte ingeniaria alboan zuen azterketa egiten zebilela, eta ia itsasora erori ziren. Hala ere, gaintu egin zioten azterketa, kotxe zahar harekin ibiltzen jakiteko artista izan behar zelako.

**33. Debako astilleroan egindako barkurik handienaren itsasoratzea 1920an**

- **Erref:** EGB-030/045
- **Iraupena:** 0:04:55. **Hasi:** 01:29:39. **Bukatu:** 01:34:34
- **Multimedia:** audioa online entzungai

**Gaia(k):**

- Lanbideak » Negozioak, dendak
- Itsasoa » Lehorreko lanak » Ontzigintza

**Laburpena:**

15 urte zituela, 1920an, San Migel egunean Deban eraikitako itsasontzi handienaren itsasoratzea egin zen. 1.200 tonako barkua zen, eta eibartarrak ziren ontziolako nagusiak, Errasti abizenekoak. San Migel eguna erdi-jai izaten zen eta gertakizun handia izango zela eta, aitaren furgoneta zaharrarekin Debara joan ziren. Angel Unzueta elgoibartarra erabiltzen zuten txofer moduan aitaren garraio horrekin. Itsasoratzearen inguruko kontuak.

**34. Debako astilleroan egindako merkantea**

- **Erref:** EGB-030/047
- **Iraupena:** 0:02:45. **Hasi:** 01:34:59. **Bukatu:** 01:37:44
- **Multimedia:** audioa online entzungai

**Gaia(k):**

- Itsasoa » Lehorreko lanak » Ontzigintza
- Itsasoa » Lan-tresnak eta azpiegiturak » Ontzi-motak

**Laburpena:**

Barku handia zen Deban egin eta itsasoratu zutena, inguruetan inoiz ikusi gabekoa. Astilleroa non zegoen. Arrantzarako ontziak egiten zituzten normalean bertan, baina hau berezia izan zen. Merkantea zen, beleroa eta 4 poste altu zeuzkan beren belarekin. Posteak eta bela haundi horiek Zumaian jarri zizkioten. Lehenbiziko bidaia Kubara egin zuela azukretara ontzi horrek entzun zuen Juanitok. Europan gerran zeudenez, arriskutsua zen itsasoan ibiltzea.

**Ahotsak.eus**-eko edukiarekin sortutako dokumentu automatikoa.  
2026-04-12

**CC-by-sa | Ahotsak.eus**  
Badihardugu Euskara Elkartea  
Markeskua Jauregia, 20600 Eibar  
943121775 - ahotsak@ahotsak.com